

**Tunngaviusumik atuarfiit namminersortitat angerlarsimaffimmilu atuartitaaneq il.il. pillugit Inatsisartut inatsisaata allanngortinnissaa pillugu Inatsisartut inatsisaat nr. 18. 3. December 2012-imeersoq. (Tapiissutit naatsorsorneqartarnerat, PPR aamma annertusisamik immikkut atuartitsineq il.il. pillugit kommunip nassuiaataanut tunngatillugu sunniutit allannguutaat)**

## § 1

Tunngaviusumik atuarfiit namminersortitat angerlarsimaffimmilu atuartitaaneq il.il. pillugit Inatsisartut inatsisaanni nr. 10, 15. april 2003-meersumi, Inatsisartut inatsisaat nr. 16, 20. november 2006 aqutugalugu allanngortinneqartumi, allannguutit makku ilanngunneqassapput:

**1.** § 4, imm. 2 imatut oqaasertalerneqassaaq:

” Imm. 2. Kommunimi tunngaviusumik atuarfiup namminersortitap najugaqarfiani kommunalbestyrelse atuartunut tunngaviusumik atuarfimmi namminersortitami atuartunut akeqanngitsumik perorsaannermut tarnillu pissusaannut tunngatillugu siunnersuisassaaq.”

**2.** 14, imm. 3-p kingorna ilanngunneqassaaq:

” Imm. 4. Tunngaviusumik atuarfinni namminersortitani atuartut amerlassusaasa ikinnerpaaffilerneqarnissaaq pillugu Naalakkersuisut maleruaqqusaliorsinnaapput, taamaattoq tak. § 23 aamma § 29”.

**3.** § 16, imm. 1-imi imm. 2 imatut oqaasertalerneqassaaq:

” Atuartumut ataatsimut tapiissutit 2013-imi qaffasissusaat 32.000 kr.-upput. Kommuninut ataatsimoortumik tapiissutit aqutugalugit aningaasarsianik akinillu aaqqiisarneq assigalugu tapiissutit ukiut tamaasa naleqqussarneqartassapput.”

**4.** § 16, imm. 2 imatut oqaasertalerneqassaaq:

” Imm. 2. Kommunip tunngaviusumik atuarfiup namminersortitap najugaqarfiata annertusisamik immikkut atuartitsinermit allatullu immikkut perorsaannermi siunnersuinermit, atuartumut perorsaannermit tarnillu pissusaannut tunngatillugu siunnersorneqarnissamik innersuunneqartariaqarsimasumut, aningaasartuutit akilerallassavai, tak. § 4, imm. 2.”

**5.** § 28-p kingorna ilanngunneqassaaq:

” § 29. Maleruaqqusat § 14, imm. 4 naapertorlugu aalajangersarneqartut, maleruaqqusat atuutsinneqalernerisa kingorna atuarfinnut pilersinneqartunut, taamaallaat sunniuteqassapput.”

**6.** Inatsimmi tamarmi oqaaseq “Landsstyret” imatut allanngortinneqassaaq: “Naalakkersuisut”.

§ 2

Inatsisartut inatsisaat atuutilerpoq ullormi 1. januar 2013.

Namminersorlutik Oqartussat, ulloq 3. december 2012

Kuupik Kleist